

En ainzig Volgg vo Gschteerte



Bi Gschteerte dänggsch an d Psychiaatrie
Die Zyyte sin scho lang verbyy
Gschteerti findsch - so maine Gleerti
Ob Max, Vladi oder Berti

Vo der Rhygass bis zem Spaaleedor
In der MK oder im Männerkoor
Im Buff oder bi der Bolizey

Aalänge isch halt voll okay
Bi Terroristische und Fasischichte
Sotte miir gezyylt usmische

D Antifa mit ihrem biabla
Sott bi uns kai Berächtigung ha
Gäbt's wältwytt weniger Psychopaate

Hätte mir Oornig in vylyne Staate
Gäbt's zue däm gaar kaini Religioone
Kennt me vylyerorts in Fridi woone

Doo z Basel isch s wie iiberall
S git Lytt die hän aifach e Gnall
Villicht gheert au dää - lueg deerte

Zuen emen ainzig Volgg vo Gschteerte
Als Psychiaater wooge mir e Diagnose
Und stygge drum in d Wagglis-Hoose:

Putin, Trump, Hisbollah, Hamas
Die schiire alli numme Hass
Sälscht z Basel wärde die dailwyys vereert

Mir saage: Das isch jo nummeno gschte
Sich in Spidäler oder Schuele verstege
Und denn klaage, dass Zivilistische verregge

Rageete fliege - der Luftrum wird gscheert
Mir saage: Das isch jo nummeno gschteert
Mit Mässer waalloos ummestäche

Sich fir Gott bi Ungläubige räache
Erraichsch so, dass sich dy Glaube vermeert
Mir saage: Das isch jo nummeno gschteert

Verdaile mir däm ainzig Volgg vo Gschteerte

Migrante wo iiri Hind verspyyse
Wärde us de USA ausgewyys
In der Schwyz darf me Auti urbräche

Und sich mit Griminelle absprache
E Land wo das zueloot, isch schnäll begeert
Mir saage: Das isch jo nummeno gschteert

D Grangekassekoschte explodiere
Der Mittelstand muess implodiere
Doo salt sich mi Kolleg der Marco

Ginschtiger isch nur no der «Sarco»
Dangg Lobby ischte sin Leesige verweert
Mir saage: Das isch jo nummeno gschteert

Mee AHV, mee Bräämie, mee Bangsloot
Die wo schaffe, zaales mit em Loon
Us Fruscht knallsch uff d Maria - ojeeee

Bisch au scho Mitglid vo der GLP
Mir hän Unterschrifte kauft, uns beschweert
Aber die z Bärn - blyybe wyter gschteert

D Frau Bundesröötin Baumschwyder
Die isch hit e bitzell gschilder
Bim Rächne het si an Jura dänggt

Und in der Summe none Null aghänggt
Bim Bund isch richtig Zelle erschweert
Kai Wunder wärde deert d Kässeli gleert

Das Lied vom Nemo het vylyne gfälle
Bald singt er in der Joggeilhalle
Mir wänn feschte und vo Muusig brichte

Me darf gäm uff Bolytigg verzichte
Der glai Joost het me firs Fynaale gscheert
Näab de Klader isch sil Verhalte gschteert

Uf d Wält ko als Maa im Keerper vonere Frau
Wenn alli glyych sin, wie goot daas au?
Bi Swifties hesch d Info vom Aarmband häär

Isch es e Maa, e Frau oder Nonbinäär
Fir ainigi isch ihri Wält verkeert
Mir saage: Das isch jo nummeno gschteert

Bräämie, Stiere und Abgoobe
Wärde allewyl vom Staat aghoobe
E Famyyile wird zem Luxusguet

Derflir rette miir Aarmi us der Aarmuet
Den Ygschlaageni Wäg isch schlicht verkeert
Mir saage: Bolytigger, ihr sin gschteert

Nimmst s Auti und faarsch an Wienachtsmärt
Fir di het s Lääbe kai bsundere Wärt
Wortsch anders sy - glaubsch jeede Misch

Fir Dummhalt gits kai Ablauffrischt
Im Netz het dii mol so aine bekeert
Mir saage: Das isch jo nummeno gschteert

Meerfachmord und nit ganz dicht im Stilbli
S hifft nyt mee wirgig - s git kaini Schriibli
Durch Stroofe wird me kuum kuuriert

Au d Psychiaater hän's scho broobiert
Worum het me däm der Uusgang nit verweert?
E Räschttrysikoo blybt, er isch jo gschteert

Vom Kepapverkalffer zem Regierigsroot
Ihr händ dä gwält - jetz isch es z spoot
Fir der Eric Wäber wird, wenn er will

Neli e Stell frei drum bim Stainegrill
D Arslan het sich vor em Stroofgricht gweert
Der Richter maint: Es sin jo baidi gschteert

Symptom bekämpfe statt d Ursache
Die Gsellschaft sott ändlig emol verwache
Der Glyymawandel wird wyter glooge
Und d Faggde immer mee verbooge
Die Liegi - daas han miir schnäll gleert
Sin nit nur dumm - si sin au gschteert

In Europa wärde Rächti gwält
Die Lingge frooge, was dääne fält
Was wirgig schief lauft, intrisiert kai Sau
Me waartet und waartet - wenn git's Radau
In der Schwyz dien mir so unbedroffe
Als wär bi uns alles beschstens gloffe

Die heili Bärgewält wird gäm beschweert
Alphoom und Kiell - nur der Wolf isch gschteert
S nimmt jeede sich si Rächt wo wott
Mee Ruggsicht wär doo scho no flott
Miir hän mol ain ganz gnau beleert
Hän denn ufgää - s isch aifach gschteert

Schytere - das isch fir uns e Gruus
Drum baschtle mir - daagyy, daaguus
Am Cortège kasch uns konsultiere
Losch di zem gääle Wägeli fiere
Deert steen d Lytt bis um en Egge
Dermiit mir se dien duure tscheg

Unseri Diagnose - jetz muesch guet loo...
Und wenn s nit machsch, goot die in de Hoose:
Mir wänn drey scheeni Dääg ooni Zwischefäll
Lukas, du Ängel, mir saage dange, gäll
Psychopharmaka - nur die begeerte
Verdaile mir däm ainzig Volgg vo Gschteerte